

XILETELO XA XIPHEMU XA VULAWURI BYA VUFAMBISI BYA KHADIRANKUTLUNYA RA BBEE

1. Hi hina vamani

Khomixini ya Ntiyisa Vubindzu bya Vantima lebyi Anameke (Khomixini ya B-BBEE”) yi tumbuluxiwile tanihi vandla ehansi ka vulawuri bya Ndzawulo ya Mabindzu, Vumaki na Mphikizano (“ dtic”)hi Nawu wa Ntiyisa Vubindzu bya Vantima lebyi Anameke wa No. 53 wa 2003 tanihileswi wu cincaweke hi Nawu wa Ntiyisa Vubindzu bya Vantima lebyi Anameke wa No. 46 wa 2013 (“Nawu wwa B-BBEE”). Khomixini ya B-BBEE yi lerisiwile ku, exikarhi ka swin’wana, langutisisa na ku phumota nandzelelo wa Nawu wa B-BBEE. Matimba yalawo ya tirhisiwa ku ri hava ku chava, ku tsakela kumbe vuyahinghohe hi ku ya hi mikhuva na milawu leyi vuriweke eka xiyenge xa 195 xa Vumbiwa.

2. Xana Vulawuri bya Vufambisi i yini?

Vulawuri bya Vufambisi i xiphemu xa Khadirankutlunya ra B-BBEE tanihilaha swi vekaweke hakona eka Tikhodi leti Hundzuluxiweke ta Maendlelo lamanene naswona byi lava ku engetela vuyimeri bya Vantima eka swivandla swa nkoka swa vurhangeri. Vulawuri bya Vufambisi byi kongomisa eka ku katsa na ku hambana xikan’we na ku nghenelela ka xiviri eka ku teka swiboho eka bodo, vufambisi bya vulawuri na swiyimo swa matirhelo ya swiyenge, xikan’we na vulawuri bya nhundzu hi vanhu Vantima. Xiphemu xa Vulawuri bya Vufambisi xi pima mpimo lowu Vantima va yimeriweke ha wona eka bodo, vufambisi, lava nga riki vafambisi, swiyimo swa vufambisi bya le henhla ku ya eka swa le hansi endzeni ka minhlangano, a byi

kambeli ntsena ku hambana ka ntlawa wa vurhangeri kambe byi tlhela byi tiyisisa leswaku Vantima va yimeriwile hi ku ringana eka xiyimo xa vufambisi hi ku teka ndzetelo ku suka eka swikongomiso swa Vaaki lava nga na Migingiriko eka Ikonomi (EAP), xikan'we na ku engetela mpimo wa vuyimeri bya vavasati va Vantima eka vufambisi.

Swikombo swo nyika matimba swa Vulawuri bya Vufambisi swi pima vuyimeri bya Vantima eka leswi landzelaka:

- Vutekaxiave eka bodo, leswi katsaka valawurikulu
- Vufambisi byin'wana bya vulawuri
- Vutekaxiave bya vufambisi bya xiyimo xa le henhla
- Vutekaxiave bya vufambisi bya le xikarhi
- Vutekaxiave bya vufambisi bya xyimo xa le hansi
- Vatirhi lava nga na vutsoniwa

Tafula leri nga laha hansi ri andlala vuxokoxoko bya Vumatsalani bya Vulawuri bya Vufambisi

Xikombo	Tipoyinti to pima	Nkongomiso wa nandzelelo
Vutekaxiave bya Bodo		
Timfanelo to vhota leti tirhisekaka ta Vatirhi swirho swa vantima swa bodo tanihi phesenteji ya swirho hinwaswo swa bodo	2	50%
Timfanelo to vhota leti tirhisiwaka ta swirho swa bodo swa xisati swa Vantima tanihi phesente ya swirho hinkwaswo swa bodo	1	25%
Vafambisinkulu va vantima tanihi phesente ya vafambisinkulu hinkwavo	2	50%

Vatirhi va xisati va vantima tanihi tanihi phesenteji ya valawurikulu hinkwavo	1	25%
Vufambisi Byin'wana bya Vulawuri:		
Vufambisi bya Vulawuri bya Vantima tanihi phesente ya Vufambisi byin'wana bya Vulawuri	2	60%
Mufambisi bya xisati bya vantima Vufambisi tanihi phesente ya valawurikulu lavan'wana hinkwavo	1	30%
Vufambisi bya Xiyimo xa le Henhla:		
Vatirhi va Vantima eka Vufambisi bya le Henhla tanihi phesente ya Vufambisi bya le Henhla hinkwabyo	2	60%
ya Vatirhi va xisati va vantima eka Vufambisi bya le Henhla tanihi phesente ya Vufambisi bya le Henhla hinkwabyo	1	30%
Vufambisi bya le Xikarhi:		
Vatirhi va Vantima eka Vufambisi bya le Xikarhi tanihi phesente ya Vufambisi hinkwabyo bya le Xikarhi	2	75%
Vatirhi va xisati va vantima eka Vufambisi bya le Xikarhi tanihi phesente ya Vufambisi hinkwabyo bya le Xikarhi	1	38%
Vufambisi bya Xiyimo xa le Hansi		
Vatirhi va Vantima eka Vufambisi bya le Hansi tanihi phesente ya Vufambisi hinkwabyo bya le Hansi.	1	88%
Vatirhi va xisati va vantima eka Vufambisi bya le Hansi tanihi phesente ya Vufambisi hinkwabyo bya le Hansi	1	44%
Vatirhi lava nga na vutsoniwa		

Vatirhi va Vantima lava nga na vutsoniwa tanihi phesenteji ya vatirhi hinkwavo	2	2%
--	---	----

3. Swiphemu swa nkoka eka xiphemu xa Vulawuri bya Vufambisi

3.1 Vuyimeri eka Vurhangeriu bya Xiyimo xa le Henhla

Valawurinkulu va Vantima: Ku xiximiwa ehansi ka xiphemu xa Vulawuri bya Vufambisi swi nyikiwa vanhu va Vantima lava tirhaka tanihi vafambisinkulu eka bodo ya khamphani, tanihileswi leswi swi yimelaka xiyimo xa le henhla xa ku teka swiboho swa xitirateji na vurhangeri endzeni ka nhlango. Xikombiso, loko vandla ri thola munhu wa Muntima tanihi Muofisirinkulu wa rona wa swa Timali (CFO) kumbe Muofisirinkulu wa Vulawuri (CEO), leswi swi hoxa xandla hi ku kongoma eka nkutlunya wa khamphani wa B-BBEE ehansi ka Vulawuri bya Vufambisi. Valawurinkulu va Vantima va na xiave lexi tlulaka nandzelelo ntsena, kambe va tisa mavonelo yo hlawuleka na vutivi, lebyi nga na nkoka ku lulamisa swilaveko swa tikhasitama to hambana na vakhomaxiave. Hi ku thola Vantima lava ringaneleke eka mintirho leyi ya nkoka, tikhamphani ti hoxa xandla eka ku cinca loko ti ri karhi ti tlhela ti antswisa vulawuri bya tona na ku fambisana ka xitirateji na swilo swa nkoka swa rixaka.

Valawuri va Vantima lava nga riki Vafambisi va Vulawuri: Ku katsa Valawuri va Vantima lava nga riki Vafambisi va Vulawuri ehansi ka xiphemu xa Vulawuri bya Vufambisi i swa nkoka swinene eka ku kurisa ku hambana eka ku teka swiboho swa xitirateji na ku tiyisisa leswaku swivumbeko swa vulawuri swi kombisa nhlayo ya vaaki ya Afrika-Dzonga. Valawuri lava nga riki va vulawurikulu va hoxa xandla eka vulawuri lebyi tiyimeleke, mavonelo lama nga riki na xihlawuhlawu, na vutshila bya nkoka eka swiboho swa bodo handle ko katseka eka matirhelo ya siku na siku. Ku hlohlotela ku thoriwa ka Vantima eka swiyimo leswi swi tiyisisa mavonelo yo hambana eka mimbulavurisano mayelana na switirateji swa nkarhi wo leha, vulawuri bya khombo, na vutihlamuleri bya nhlango bya vaaki. Xikombiso, nhlango lowu tholaka Muntima loyi a nga riki valawurikulu loyi a nga na ntokoto eka ku kondletela na ku nghenelela ka vaaki wu nga ndlandlamuxa migingiriko ya wona ya mbango, migingiriko ya mfumo na vaaki loko wu ri karhi wu antswisa nkutlunya wa wona wa B-BBEE. Leswi a swi ringanisi khamphani ntsena na swikongomelo swa ku cinca kambe swi

tlhela swi yi veka tanihi nhlango lowu nga na vutihlamuleri bya vaaki lowu tekelaka enhlokweni ku katsa hinkwavo na vutumbuluxi eka maendlelo ya yona yo teka swiboho.

Vurhangeri bya Vavasati va Vantima: Xiphemu xa Vulawuri bya vufambisi xi veka ntikelo lowu antswisiweke eka vuyimeri bya vavasati va Vantima eka swiyimo swa vurhangeri, leswi kombisaka ku tinyiketela loku tiyeke ku tlakusa ku ringana ka rixaka na rimbewu. Hi ku avela tipoyinti to engetela eka tikhamphani leti rhangisaka emahlweni ku thoriwa ka vavasati va Vantima eka swiyimo swa vufambisi, leswi nga riki swa vufambisi, na vufambisi bya le henhla, Nawu wa B-BBEE wu lava ku lulamisa swiyenge swa rixaka na rimbewu kumbe swikombiso swa ku nga ringani. Nkongomiso lowu wu tiyisisa leswaku vavasati va Vantima, lava talaka ku va va nga yimeriwi kahle eka vurhangeri, va fikelela swivandla swo teka swiboho na minkarhi yo kucetela xitirateji xa nhlango. Xikombiso, khamphani leyi tholaka wansati wa Muntima tanihi Muofisirinkulu wa yona wa Matirhelo (COO) a yi kumi ntsena mavonelo ya nkoka ya vurhangeri kambe yi tlhela yi kuma tipoyinti to engetela ehansi ka xiphemu xa Vulawuri bya Vufambisi. Ku thoriwa loku ku kombisa ku tinyiketela ka khamphani eka ku cinca loko yi ri karhi yi tirha tanihi xikombiso lexi tirhaka xa hilaha ku hambana eka vurhangeri ku nga fambisaka vutumbuluxi na ku ndlandlamuxa ndhuma ya nhlango.

3.2 Vufambisi bya le Henhla, bya le Xikarhi na bya le Hansi

Ehansi ka xiphemu xa Vulawuri bya Vufambisi, tiphuinti ti averiwa tikhamphani leti fikelelaka vuyimeri bya Vantima eka swiyimo swa Vufambisi bya le Henhla, bya le Xikarhi na bya le Hansi, ku lemuka nkoka wa ku hambana eka ku teka swiboho swa matirhelo na swa tindlela. Avelo leri ri hlohlotella mihlangano ku tlakusa hi xihatla van'waxiphurofexinali va Vantima eka mintirho ya vurhangeri ku fana na tinhloko ta tindzawulo, vurhangeri va swipano, na vufambisi va ntirho. Hi ku kongomisa eka swiyimo leswi swa vufambisi, Nawu wa B-BBEE wu tiyisisa leswaku ku cinca a ku pimiwi eka swivandla swa vufambisi kambe ku khuluka eka xiyimo hinkwaxo xa nhlango. Xikombiso, khamphani leyi tholaka van'waxiphurofexinali va Vantima tanihi vufambisi lavakulu lava langutelaka matirhelo ya tirhijini kumbe vufambisi va le xikarhi na lavatsongo yi nga antswisa ku humelela ka yona ka matirhelo na nkutlunya wa yona

wa B-BBEE. Endlelo leri ri pfuna tikhamphani ku hlukisa mafambiselo ya titalenta to hambana leti lulameleke ku ya emahlweni eka vurhangeri bya vufambisi, ku kurisa ku katsa hinkwavo na ku tumbuluxa swivumbeko swa vufambisi leswi kombisaka ku antswa nhlayo ya vaaki ya Afrika-Dzonga.

4. Mfambelaniso wa Nhlukiso wa Swikili na Vulawuri bya Vufambisi

Xiphemu xa nhlukiso wa vuswikoti xi tlanga xiave xa nkoka eku hlukiseni ka vatirhi va Vantima eka swivandla swa vufambisi, ngopfungopfu endzeni ka rimba ra tipholisi ta cinco. Ku fambelanisiwa loku ku tiyisisa leswaku mihlangano yi tirhisa minongonoko leyi hlelekeke ya ndzetelo, ku tlakusa vuswikoti, vuleteri na nhlukiso wa ntirho lowu lulamisiweke ku lulamisa swivandla swa vuswikoti exikarhi ka vatirhi va Vantima.

Hi ku tirhisa ndzetelo wa vuswikoti lowu tirhaka na ku veka tihlo eka nhlukiso wa migingiriko leyi, tikhamphani ti nga tiyisisa nandzelelo wa swikongomelo swa ku ringana na nhlukiso wa mafambiselo ya titalenta leti tiyeke leyi hlanganisiweke na tipulani ta tona ta ku landzelelana na ku hlayisa. Hi ku olovisa mfikelelo eka swivandlanene swa ndzetelo wa xiyimo xa le henhla na ku pananisa vatirhi na vatsundzuxi lava nga na ntokoto, mihlangano yi tumbuluxa ndhawu leyi pfunaka laha vatirhi va Vantima va nga kumaka vuswikoti, vuswikoti bya vurhangeri, na ku titshemba loku lavekaka ku tlhandlukela eka mintirho ya vufambisi. Leswi a swi seketeli ntsena ku kula ka ntirho wa munhu hi xiyexe kambe swi tlhela swi fambisa ku hambana ka nhlanganano na ku katsa hinkwavo eka vurhangeri.

5. Vuyimeri bya Vantshwa na Vanhu lava nga na Vutsoniwa

Tikhodi ta Maendlelo lamanene ti amukela vantshwa na vanhu lava nga na vutsoniwa tanihi mintlawu leyi hlawuriweke, naswona Xiphemu xa Vulawuri bya Vufambisi i xa nkoka eku engeteleni ka vuyimeri bya vantshwa na vanhu lava nga na vutsoniwa hi ku tirhisa swiyimo hinkwaswo swa vufambisi, hi ku tirhisa vuleteri, ndzetelo wa vurhangeri, na nkunguhato wo landzelelana. Hi ku endlatano, tikhamphani a ti nge ndlandlamuxi ntsena ku phikizana ka tona kambe ti ta tlhela ti hoxa xandla eka ku

cinca ka ikhonomi, ku katsa hinkwavo na mitirho. Migingiriko leyi yi pfuneta ku hambanyisa swipano swa vurhangeri, ku lulamisa ku nga ringani ka matimu, na ku aka vatirhi lava katsaka hinkwavo, eku heteleleni swi vuyerisa nhlango na vaaki hi ku angarhela.

6. Nandzelelo wa milawu lowu olovisiweke eka mabindzu

Xiphemu xa Vulawuri bya Vufambisi xi antswisiwile ku endla leswaku nandzelelo wa milawu wu tirha kahle:

- **Swikongomiso leswi nga erivaleni:** Swikongomelo leswi nga pimiwaka ta vuyimeri bya Vantima eka xiyimo xin'wana na xin'wana xa vufambisi.
- **Ku Tiyisiwa loku Olovisiweke:** Nandzelelo wu tiyisiwa hi ku tirhisa swiviko swa ndzingano wa matholelo swa swiyenge sweswo leswi lavekaka ku rhumeriwa ehansi ka Nawu wa Ndzingano wa Matholelo, na matsalwa man'wana ya ximfumo.
- **Ku nyika Mikutlunya leyi Pimiweke:** Mabindzu sweswi ya nga kuma hi ku olova tindhawu ta nkongomiso (xikg., vavasati va Vantima na vufambisi bya le henhla) ku kuma tinhla ta le henhla.

7. Xana tikhamphani/mavandla ma nga fikelerisa ku yini swiphemu swa Vulawuri bya Vufambisi

7.1 Endla Nxopaxopo wa Xivandla: Ku kambela ku hambana ka ntlawa wa vufambisi swi katsa ku kambela xivumbeko xa nhlayo ya vaaki na ntokoto wa xipano ku kuma mintlawa leyi nga yimeriwangiki kahle. Nkambisiso lowu wu fanele ku languta swilo swo fana na rimbewu, rixaka, malembe, rixaka, dyondzo, ndhavuko wa xiphurofexinali, hambi ku ri ku hambana ka vutivi (xik. maendlelo yo hambana yo ololoxa swiphiqu). Xipano xa vufambisi byo hambana xi kurisa vutumbuluxi, xi antswisa ku endla swiboho, naswona xi kombisa titlilayente to hambana kumbe vaaki lava nhlango wu va tirhelaka. Xikombiso, loko ntlawa wa vufambisi bya khamphani wu vumbiwa ngopfu hi vavanuna lavakulu lava nga ni tidyondzo leti fanaka, wu nga ha pfumala mavonelo lama tsakisaka vatirhi lavatsongo, vavasati kumbe vanhu lava humaka eka mindhavuko yo hambana-hambana kumbe ya ikhonomi ya vaaki. Ku lulamisa ku nga

ringani loku swi nga katsa matshalatshala yo thola lama kongomisiweke, minongonoko ya nhluvukiso wa vurhangeri eka mintlawa leyi nga yimeriwangiki kahle, na ku tumbuluxa tipholisi leti katsaka hinkwavo ku hlayisa titalenta to hambana. Xikombiso lexi tirhaka i khamphani ya Thekinoloji ya Mahungu (IT) leyi lemukaka leswaku yi na ku pfumaleka ka vavasati eka mintirho ya vurhangeri, leswi yi hlohlotelaka ku simeka minongonoko ya vuleteri ya vatirhi va xisati na ku veka swikongomelo swo hambana eka ku thola eka swivandla swa le henhla.

7.2 Hluvukisa Mafambiselo ya Titalenta: Ku vekisa eka minongonoko leyi tinyiketeleke ya vuleteri na minongonoko ya nhluvukiso wa vurhangeri eka vatirhi va Vantima i kungu ra xitirateji leri kongomisiweke eka ku lulamisa swihinga swa matimu na ku tlakusa swivandlanene swo ringana swa nhluvukiso wa ntirho. Minongonoko leyi yi nga pfuneta ku aka ku titshemba, vuswikoti, na tinetiweke leti lavekaka eka vatirhi va Vantima ku humelela eka mintirho ya vurhangeri. Ku pananisa vatirhi va Vantima na vatsundzuxi lava nga na ntokoto na ku nyika swivandlanene swa nhluvukiso leswi lulamisiweke, mihlangano yi nga tiyisisa leswaku vatirhi va Vantima va lunghekele swivandla swa vurhangeri swa nkarhi lowu taka, loko va ri karhi va tlhela va kurisa ndhavuko wa le ntirhweni lowu katsaka hinkwavo na ku seketela. Xikombiso, khamphani yikulukumba yi nga tivisa nongonoko wa vurhangeri lowu dezayiniweke hi ku kongomisa eka varirhi va Vantima, ku nyikiwa vuleteri eka vurhangeri bya xitirateji, swikili swa vufambisi, na ku fambisa ku cincacinca ka nhlango. Leswi swi nga tatisiwa hi vuleteri na vufambisi lavakulu lava nyikaka ndzetelo hi ku ya emahlweni ka ntirho, va nyika vutivi eka ku hlula mintlhontho, na ku seketela ku kula ka xiphurofexinali ka vatsundzuxi va vona. Migingiriko yo tano a yi seketeli ntsena nhluvukiso wa munhu hi xiyexe kambe yi tlhela yi hoxa xandla eka ku hambana lokukulu na vuyimeri eka vurhangeri eka nhlango hinkwavo.

8. Nkoka wa Xiphemu xa Vulawuri bya Vufambisi eka B-BBEE

Nkulo wa Bindzu: Swipano swo hambanahambana swa vufambisi swi tisa mavonelo ya furexe na switshunxo swa vutumbuluxi.

Vutihlamuleri bya Vanhu: lebyi ngenhisaka xiave eka ncinco wa Afrika Dzonga waikhonomi ya vanhu

Xipfuno xo kuma nkutlunya wa B-BBEE: Ku fikelela Vufambisi Bya le henhla Tipoyinti

ta vulawuri ti antswisa xiyimo xa B-BBEE hinkwaxo sw.sw.

9. Leswi nga tekiwiki tanihi xiphemu xa Vulawuri bya Vufambisi hi ku ya hi Nawu wa B-BBEE

Vulawuri bya Vufambisi ehansi ka Nawu wa B-BBEE a byi nge katsi swiyimo laha:

Mintirho ya vufambisi leyi nga riki na nkucetelo wa xiviri: loko vanhu va Vantima va thoriwa eka swivandla swa vufambisi kambe va nga ri na matimba ya xiviri yo teka swiboho kumbe nkucetelo wa xitirateji, leswi a swi vumbi vulawuri bya vufambisi bya xiviri.

Ku pfumaleka ka ku nghenelela eka matirhelo: loko vafambisi va Vantima va katsiwa eka swivumbeko swa vurhangeri ntsena ku hetisisa swilaveko swa ku landzelela kambe va nga katsiwi eka matirhelo ya vufambisi bya siku na siku na ku teka swiboho swa nkoka swa xitirateji, leswi a swi hlayiwi tanihi vulawuri bya vufambisi lebyi nga na nkoka.

Ku thoriwa handle ka vutihlamuleri lebyi averiweke: loko vafambisi va Vantima va thoriwa kambe mintirho ya vona yi pfumala vutihlamuleri lebyi hlamuseriweke kahle, vulawuri, kumbe ku tifuma eka tindzawulo ta vona, swi tekela ehansi xikongomelo xa ku cinca loku nga na nkoka

Maendlelo ya vuxisi: Loko khamphani yi kombisa hi ndlela yo biha mpimo wa ku nghenelela ka Vantima eka vufambisi (xik, ku xaxameta vatirhi va Vantima eka mintirho ya vufambisi ephepheni handle ko va nyika matimba ya xiviri), leswi swi tekiwa tanihi vuxisi naswona i ku tlula Nawu wa B- B-BBEE.

Ku nga katsiwi eka tiforamu to teka swiboho: Hambi loko vafambisi va Vantima va khome swivandla swa le henhla, kambe hi ndlela leyi hlelekeke va nga katsiwi eka tiforamu ta nkoka to teka swiboho, vukona bya vona a byi ringani na Vulawuri bya Vufambisi bya xiviri.

10. Ntirho wa Khomixini ya B-BBEE eku Pfuneni ka Swiyenge ku Landzelela Vulawuri bya Vufambisi

Khomixini ya B-BBEE yi tlanga xiave xa nkoka eku tiyisiseni ku landzeleriwa ka xiphemu xa vulawuri bya vufambisi xa Nawu wa B-BBEE. Yi endla leswi hi ku nyika nndzetelo, ku veka tihlo eka nandzelelo wa milawu, ku lavisisa ku nga landzeleli milawu, na ku sindzisa magoza yo lulamisa. Laha hansi ku na tindlela ta nkoka leti Khomixini yi pfunaka swiyenge ha tona:

10.1 Ku Humesa Swiletelo na Mavonelo ya Vutsundzuxi

- Khomixini ya B-BBEE yi nyika swiletelo, tinotsi to hlamusela, na mavonelo ya vutsundzuxi ku pfuna mabindzu ku twisisa ndlela yo tirhisa kahle xiphemu xa vulawuri bya vufambisi.
- Yi hlamusela swilaveko swa xiviri swa ku nghenelela ku sivela maendlelo ya tokenism na maendlelo ya vuxisi eku tholeni ka vafambisi va Vantima.

10.2. Ku Lavisisa Maendlelo ya Vuxisi

- Khomixini ya B-BBEE yi na matimba yo lavisisa swivilelo leswi fambelanaka na swikoxo swa vuxisi swa B-BBEE, vuxisi, na ku thoriwa ka tithokene laha vafambisi va Vantima va nga na ku nghenelela loku nga nyawuriki kumbe ku nga ngheneleli.
- Loko khamphani yi voniwa nandzu wa vuxisi kumbe wa vuyimeri byo ka byi nga ri kahle, Khomixini ya B-BBEE yi nga veka swigwevo kumbe ku ringanyeta magoza ya nawu.

10.3 Ku nyika Ndzemukiso wa ku Aka Vuswikoti na Ndzetelo

- Khomixini ya B-BBEE yi nyika tiwekhihlopo, ndzetelo, na ku nghenelela ka vakhomaxiave ku pfuna mabindzu ku twisisa na ku tirhisa vulawuri bya vufambisi hi ndlela leyinene.
- Tisexini leti ti pfuna tikhamphani hi ku pulana ndlela yo hlanganisa vafambisi va

Vantima eka mintirho yo teka swiboho hi ndlela leyinene ku tlula ku va tholela ku landzelela swilaveko ntsena.

Ndlela yo tihlanganisa na hina

Khomixini ya B-BBEE
iBlock E, 2nd Floor ya
Khemphasi ya dtic
77 Meinties Street
Sunnyside
0002

Adirese ya Poso
Private Bag X84
Pretoria
0001

Riq: (+27) 12 394 1535

Imeyili: info@beecommission.gov.za

Senthara ya Vutihlanganisi bya Tikhasitama ya dtic: 0861 843 384

Webusayiti: www.bbbeeecommission.co.za